

A. G. D.

APHORISMI PRACTICI

DE

EXCEPTIONE METUS,

QVOS

*Annuente ampliss. Facult. PHILOSOPH. incliti ad AURAM
ATHENÆI,*

Sub A U S P I C I O

VIRI CL.

D_N. ALGOTHI A. SCARIN,

Hist. & Philos. Pract. PROFESS. Ordin.
publico examini offert

GUSTAVUS TÖNNERUS, Gust. Fil. *Tavastensis*

Die XVIII. Decemb. Anno MDCCXLVII.
In auditorio majori, horis ante meridiem solitis

ABOIE, Exc. JOH. KÆMPE, R. Ac. Typ.

VIRO plur. reverendo atque præclarissimo

DN. GUSTAVO TÖNNERO.

Ecclesiæ, qvæ in Orimattila Tavastorum DEO
colligitur, PASIORI meritissimo, Parenti ut o-
ptimo, ita obsequio omni filiali æternum profe-
qvendo, suspiciendo,

Gratulor in finu mibi illum demum illuxisse
diem, quo suppeditatur ansa mibi expli-
canda pietatis ferventissima illius, qd ad aras
usque, TIBI, Parenis indulgentissime, vinculum
me prorsus alligatumque sentio. Qvod verò non
nisi falsa mola litare datum mihi sit, verbaque
quibus exprimam mentis devotionem, initio sta-
tim memet deficiant, id certe, supra quam dico
potest


potest, male me habet. Observatur non semel i-
terumque animo meo liberalitas illa, quam ab
unguisculis spei meæ provehendæ impetriri voluisti.
Occurrunt beneficia parente majora, quæ TÙ
hodie neque in me cumulare desinis; quibus non
nisi exspectatione TUA meaque minora memet
rependere posse, lubens agnosco. Sed qui optimo-
rum parentum indolem non aliam esse scio, quam
quæ summi NUMINIS est, ut meritorum non
aliam mercedem spectent, quam in referenda gra-
tia, eorum, quorum interest, pietatem; ut eano-
dem. quomodounque aseqvi possim, saltem
non ingrati criminè condemner, enixissime cu-
rabo. Interim ne recuses, obsecro! devoti animi
pignus, immaturum fœtum huncce, quæ absentes,
fronte benigna respicere, adjutoriique, quo cœpisti,
tenore eodem in posterum quoque memet subleva-
re. Meum erit pro TUA incolumente ad
DEUM calida semper vota fundere, ut quam
in moribus & vita omni integritatem sectaris,
eandem, etate ingravescente TUA, corpore &
animo quoque diu experiaris. dum penatibus
non nostris solum prospere omnia cedent, verum
coetus sacer ille, cui admotus es, in portu se-
quoque navigare existimabit, cum Pastoris sui,
per

per arva lata semet ducentis; valetudini ^{Ego} sa-
luti pulcherrime prospiculum videt. Ego vero,
dum vixero, futurus sum perpetuo.

MI CARISSIME PATER,
TUUS

Ad cineres obsequentiissimus filius

GUST. TÖNNERUS.



APHORISMUS I.

AD doctrinam pactorum, non sufficit eorum ex lumine naturæ religionem, & ex societatis humanæ indole, necessitatem ostendere: sed reqviritur ad eandem etiam, ut qvale robur, conventionibus non ex libero consensu initis, insit, qvibusqve versus metum remediis, liberæ gentes insistere honestum putaverint, dispiciamus.

APHOR. II.

PActorum omnium caussa cum *indigentia* sit pariterqve *malitia* humana, adeoqve sine non alio iniri soleant, qvam ut viribus nostris utantur alii ad felicitatem suam perficiendam, aut nervis illorum nostram perfectionem promoveamus: qvam sine distincta obiecti, in qvod consentiendum venit, cognitione, & nisu non impedito (a) voluntatis nostræ ad applicandum,

A con-

(a) Ad libertatem reqviri externorum impedimento-

convenienti modo , potentias illas , profici nihil obtinerive possit , manifestum est.

APHOR. III.

Spes atque metus , qvibus in vitæ actu omni nostro , mortales verlamur , efficiunt , ut actiones nostræ inquietæ , adeoqve voluntas nostra prorsus libera non sit. Sunt intra & extra nos multa , qvæ mentem afficiunt , & ad spem maiorem erigunt. In contrario affectu , utpote metu , qvia obveniunt inibi nil nisi molesta & cum quadam mali perpetiendi representatio- ne conjuncta : in illo statu mentem à scopo suo dimoveri , & perinde agritudinis atqve doloris expertem esse non posse , qvis non videt?

APHOR. IV.

Desideria & aversationes hominum pro in- voluntariis non magis haberi possunt , qvam pro synonymis velle & nolle venditari.

Sunt

rum absentiani ; on nec que , qvi per principium sive internum sive externum ad certum agendi modum de- terminatur , liberum non esse , qvis dubitaverit ? J Fr. Buddeum confer Theol. mor. I. 1. 4. XI. not. item que in Ethicis Gundlingium , qvi theologis non insin i subiecti , inter libertatem agendi babere , & liberum esse , distinguen- tibus , profecto non temerè assentitur.

3

Sunt tamen non sine grano salis accipiendæ notiones voluntarii atque spontanei , qvæ pragmaticis miscentur saepe , & idem omnino importare existimantur.

APHOR. V.

Pactum omne promissumqve consensum re-qvirit mutuum , & consensus supponit plenum rationis & libertatis usum . (Aph. II) Patera verò , ad qvæ metu alieno impellimur , qvandoqvidem in iisdem deest electio & determinatio voluntatis , pro non nostris magis qvam nostris haberi debent ; nobisqve , si cetera , qvæ actionem circumstant , recte se habent neqve imputari possunt.

APHOR. VI.

Quamvis in statu naturali de se suisqve rebus , prout lubet , statuere qvisqve potest , provehendi boni sui fine : peccandi licentiam tamen nemini concedimus . Hinc qui temerè alias lacescant , & rei indebitæ promissionem iisdem extorquent , in quantum soleritam non nisi furum latrunculorumqve æmulantur , in tantum innoxios ad avertendum a se noxæ injuriam , pactæ rei traditioni , qvousq;

⁴
fieri possit, semet opponere posse existimat.
mus.

APHOR. VII.

Promissum omne injuria extortum, quam
vis juratum obligatione vacat omni. De-
ficit enim, quod necessario requiritur, jus ac-
ceptandi; deest in cogentis gratiam legis præ-
sumtio; adest ejusdem de non lœdendo mani-
festa rogatio. Ex actu vero contra legem su-
cepto, cum adeo non commodi aut lucri quid
quam occupare fas sit, ut ad restitutionem rei
non alio titulo partæ, quisque sit devinctus,
quid de stipulatione ejusmodi, ore aut verbo
concepta, ejusque demum impletione sit sen-
tiendum, non è longinqvo appetet.

APHOR. VIII.

Minus concinna itaque est opinio GRO-
THI, qui promissionem metu extortam
propterea efficacem esse putat, quod consen-
sus purus praesto sit ipsius promittentis. quasi
ad obligationem firmiter conglutinandam satis
sit voluntas promittentis, & a parte acceptantis
neque amplius quidquam requiratur. Propius
illi nobis metam attingere videntur, qui inju-
ri-

riam identidem fieri posse volenti, & omnem
ad effectum dominii transferendi, iustam
coactionem nullam obligationem fundere,
judicant. (a)

APHOR. IX.

Sicut ad exceptionem metus non sufficit
mali inferendi infinita denunciatio, sed
præsentissimi periculi pavor (b) reqviritur, cu-
jus illatio aperta voluntate & parili facultate
absolvitur: ita de generis ejusdem iusto & le-
gitimo metu existimamus, qvod intentatus il-
le ad restitutionem aut rei gestæ abolitionem
perinde non valere debeat.

APHOR. X.

Bona fides & boni mores, quamvis li-
beram

(a) Consentit in eandem nobiscum sententiam
CICERO, de praedone dicens: nullam eidem fraudem fie-
ri, si pretium neqve juratum pro capite solverimus.
Exprimit sensum eundem pulchre canon juris Svecani
notissimus: olaga fång är ofång. h. e. ex iustitia nul-
lum jus nascitur, vertente Pufendorffio.

(b) Præsentissimi periculi, h. e. atrocem metum,
cum obtainere censet Gundlingius, si mortis, si verberum,
si vinculorum, si servitutis, si stupri denique tristis
imago oculos mentemque paciscentium percellat; sive
illa in se quis metuat, sive in suis.

beram electionem, liberum consensum postulerent; neque alio magis quam isto nomine prætor romanus, quæ metu gesta essent, numquam rata habuisse perhibetur; non impediunt ista tamen, quo minus promissum, quod cuncte principi, domino & parenti quis receperit, nil nisi possibilia, quamvis aspera & ingrata exigentibus, in debitum omnino cedere debeat. (a) Hujuscemodo vero regulæ vinculum, gentium more hactenus pro indissolubili habitum, cum solvi a se relaxari que posse prætendant canonistæ, quid recognitionis lege & solertia ista sibi met opportunè vindicata, dictum velint, non difficile conjectura quisque videt. (b)

APH. XI.

(a) Vanus igitur & Terentiano: *quod si coelum ruat?* non absimilis metus ille erat, quem in ignavia excusationem, præferebat degener in evangelio servus, qui talentum, quo lucrari & potuisset & debuisset domino suo, in terram alte defodit. Luc. XIX. 21.

(b) Justum & honestum, ut puta: leges naturæ cogentes & non cogentes, præeunte THOMASIO, hodie multi distingvunt, & intuitu illo, non quidem contra justitiam externam peccari volunt, pacto per vim JUSTAM extorto; ast non raro contra justitiam in-

Quamvis pacto per vim extorto obligandi virtutem per se nullam inesse omnes contentiant, nihilominus **ex** consensu illius, qui premitur, ejusque promittendi arbitrio, videri aliis actum obligatorium nasci, modo audivimus; sed cum evadat per summam injustiam suam *premens* inhabilis, qui ab altero rei alicujus habendæ potestatem, in illo articulo sibi acqvirat, ex hujus promissio non magis aliquod jus ipsi adnasci existimamus, quam bellæ, cui cum desint requisita accipendæ promissionis, **ex** facultate promittendi nostrâ, uti constat, nihil juris acedit.

Si libere & sponte *noxia* volenti injuria fit;

ternam seu amorem, quo invicem junguntur homines, Pontificis Romani Zelotypiæ religiosæ, si canonico jure suo docere homines, & in illum modum actus conscientiæ dirigere illi propositum esset, non inviti assurgeremus. Sed cum fundationem, int̄za rempublicam, reipublicæ suæ pro fine habeat, suum suprematum, ejusque coactionem, recognitione illâ proferre intendat, eandem ceu directam ad fraudem faciendam imperio ciuili, jure meritoque proscribimus.

Si per fraudem circumventis iurā dant restitu-
tionem in integrum; stricto jure neqve earum
rerum aliqua obligatio, in quam nec libere
neqve sponte, sed enormi repräsentato malo,
inductus qvis consenserit.

APHOR. XIII.

Extra omnem terroris metum constitutus
qvisqvis paciscitur cum homine palam
& notoriè fallario, qvatenus omni a *metu ex-*
ceptioni sciens ipse renunciavit, ab implendo
pacto, si cetera recte se habent, prorsus non
immunis est censendus.

APHOR. XIV.

Generatim quamvis definiri posse videatur,
qvis sit metus justus, qvis injustus; &
per consequens qvænam valida; qvæque in-
valida pacta sint censenda: nihilominus tamen
cum per testes & alia probationum genera ad
eam evidentiam, qvæ in morum genere valet,
controversiæ inter gentes liberas adduci neqve-
ant, ne generalis & vaga decisio casibus spe-
cialibus iisdemque multifariam modificatis ap-
plicata, parum interdum proficiat, & ad rem
curatius expendendam *Lesbia regulâ minoris*
sæpe valeat, metuendum.

APH. XV.

9

APHOR. XV.

PAcata usurpatione titulorum, qvamvis prin-
cipum multi animum non derelinquendi a-
missa, sed tempore idoneo eadem iterum vin-
dicandi intentionem suam declarent: non du-
bitandum tamen, alterius paciscentis accedente
justo titulo & bona fide, qvin longa tempo-
ris possessio juris fiduciam pariat, & dominii
proprie sic dicti effectum sortiatur,

APHOR. XVI.

QVi, qvid publicum & privatum latronem
intersit, ex lege non aliâ, qvam jure
gentium probatum eunt, næ illi in responsum
prædonis, naturali injustitiae non inconveni-
ens neqve incompetens Alexandro datum, non
obscure, qvamvis dissimulanter consentiunt. (a)

B

APH.

(a) Sunt qui difficultatem & nodum qvæstionis o-
mnem tolli posse existimant distinctione adhibitâ inter
manifestam & clanculariam vim. Priorem belligeran-
tium esse volunt: posteriorem vero ad latrones specta-
re. sed cum insidiaria crebro esse soleat publica belli-
gerantium aggressio, cum non aperto marte sed ex in-
sidiis hostem oppressum veniunt, ad veritatem sincere
magis Ambrosium dixisse existimo, cum Fortitudinem,
qvæ per bella â barbaris patriam tueatur, qvæ in fir-

APHOR. XVII.

N illa communi omnium hominum societate viventibus, quandoqvidem laxius sui defendendi spatium, gentium & naturæ jura permittant, quam illis, qui superiorum jurisdictioni substant: non omnem principem, qui ad violentam sui suorumque jurium defensionem gladium prior evaginat, ausu iniqvo bellum molaris qvisque videt. (b)

APHOR. XVIII.

Quemadmodum in foro civili non repugnat, ut videri possit litigantium utraqve pars habere jus æqvale unius rei repetendæ; ita qvin in statu naturali belligerantis utriusque caussa non injusta sit, sed belli motorem agere utraqve pars censeri possit, nullo modo dubitandum.

APHOR. XIX.

Cum verò bona fide litigari utrinque & pugna-

mos defendat, vel à latronibus locios servet, plenam justitiâ esse, ait Offic. lib. I. 27.

[b Belli offensivi terminum a quo, non ex armis sed ex injuria illata repetendum esse, historia Sacra nos insupr. docet. 1. Sam. XV. 2. 3.]

gnari possit, inde pactionum inter liberas gentes perpetuitati, aliud qvā justitiæ & injustitiæ ambigua vocabula, (aphor. 12.) substernendum esse fundatum, non pauci volunt. (a) Nempe cum ad arma procurrendo, compromittat non obscurè utraqve pars in violentiam juris controversi decisionem, hinc metus exceptionem ceu injustam prætendere, parti, qvæ inferior existiterit, nefas existimant. Sed cum fieri plus saxe soleat, (b) ut qvi inter homines valentes sunt, maleficio non alio laceressit, qvam qvo in fabulis ab agno lupus affectus, turbare alios, & invitatos illos non in pugnam, sed pugnandi necessitatē saltē pertrahant, compromissi speciosum nomen ad lites ferro terminandas, neqve nisi quadantenus valere; certe ad robur conciliandum hujus generis pactionibus, justitiæ & injustitiæ notione magis ambiguum esse, non ē longinqvo appetet.

B2

APH.

(a) Thomasii Jurisprudentia divina Lib. II. Cap. 7 §. 70.

(b) Latrocinia gentium Græcis, Gothis, Romanis (Romwargar) & demum Turcis & Tartaris olim & hodie frequentari solita, satis aperte testantur, hodie

APHOR. XX.

Est in eo multus GUNDLINGIUS, ut lectoribus suis persuadeat inter antiquos esse paucos, qui pacta bellis publicis expressa servanda esse, in dubium vocant: sed quum veteribus non paucis sit observatum, in extremis casibus ista foedera, reparatis viribus, & repetito bello, illo tempore quam hodie, crebro magis soluta fuisse, falli omnes existimamus, qui foederibus injusta vi extortis, ex illo gentium consensu justitiam conciliare prætendunt. (a)

APHOR. XXI.

Ad depascandam non omnem generis humani tranquillitatem perpetuis bellorum incendiis, quamvis multis videri potest pax ini-
qui-

neque sublatam occasionem Scythis conquerendi de
ALEXANDRO eiusque vita & studiorum consecranciis,
quod licet bellatoribus advenis hinc ante ne nomine
quidem noti sint, neque terram eorum unquam at-
tigerint, tamen vacuos vagina gladios eorum ignore
sibi non permisum velint. Bella religiola quæ
Romæ sequioris sacri reges Asiae & Palestinæ intule-
runt, quoto consanguinitatis gradu distent a priori-
bus illis, qui citra damnum affectus judicare velit,
non e longinquo videbit.

(a) Graecorum illam consuetudinem fuisse; cum

qviori tempore inita ; æqviore alio non omnino frangi debere : nihilominus tamen cum longe major socialitatis afflictio, & denique bellum omnium in omnes metuendum esse videatur , si provehendo sceleri oblatum stipendum jure solutum censeretur : inde ad recuperanda ea , qvæ prineipibus gentium in magno metu (a) vis injusta extorsit , omnem non omnibus , naturali & gentium iure , præclusam esse viam , non perfunctoriè multi opinantur.

APHOR. XXII.

REX bellicis ærumnis implicatus , eui elabendi via non superest alia , qvam ut imperii

afflicti varietate fortunæ ad fœdera decenterent , ut tamdiu servaverint , donec spes nova affulgeret impe trandi aliunde subsidii , Nicias apud THUCYDIDEM a perte testatur , cum ejusmodi fœdera non ipsa re sed faltem nomine talia esse urget , qvæ cum non minori turpitudine adversariorum , qvam fortis necessitate , sui iniissent . Certe minus cogitatè rerum suarum fatigere illos dicit , qvi qvielcentibus licet civibus suis , firmitudinis qvidqvam iisdem inesse , aut inesse posse sibi persuaderint . Herennium Pontium , cum ad furcas Gaudinas a Samnitibus Romani intercepti essent , abs fœdere cum hisce ineundo non plus validitatis civitati suæ pollicitum fuisse , testes sunt Romanæ historiæ scri-

perii partem perdat, aut in captivitate tabescat; si in conditionem priorem ipse consentiat, & pro sua parte rem conventam præstare velit, quæritur: utrum jus regni suum urgere & cives facto principis exceptionem metus obtendere possint? Nobis, licet auspicio principis, quidquid conferri potest, non inviti concederimus, non perverè tamen opinarividetur illi, qui de principatu non absoluti imperi statuunt, quod si bellum in se rex ipse pro-

ptores. Neque *EMANUELI Commodo* imperatori Constantinopolitano alia mens erat, cum negaret se ea pacta curare, quæ necessitate inita essent, quæ n quæ magni in vicinia *ministri* erat, cum in senatu gentium apud Batavos pridem congregato, palam edixit, ea, quæ fortuna vaga & volubilis regi suo ademisset, pro derelictis & in plenum amissis, non nisi sinistre judicantibus, haberi posse. Was sub clypeo & injuria temporum wäre seine principal extorqviret, daß wäre er nicht schuldig zu halten, als es seiner interesse daß verstäete. Confer. dialogum inter reges *CAROL.* XII. & *FRIED.* *AUGUSTUM* Poloniae im reich der todten institutum.

(4) Aph. 21. *Magnum metum juris consulti esse dicunt,* qui cadit in constantem virum in rebus privatis; & *justum metum*, qui cadit in constantem senatum in caussa publica.

provocaverit, (cujusmodi exemplum in vicina gente (a) paulo ante vidimus,) deficientis fortunæ, aut si dicere mavis religionis violatæ castigationem, non aliis, sed ipse sustineret debet, obnitiqve non immerito posse civitatem, ne mutentur, alieno arbitrio, sceptri iura, (b) subditæ in communione diu vivere adiutari distractantur & exteris principibus mancipentur.

APHOR. XXIII.

PRout omnibus convenit ab omni omnino *indignitate* abstinere, qvæ sponsionis vinculum levare poterit; perinde atqve ex adverso ob fidei sanctimoniam pacta conventa sunt servanda:

(a) Bellum qvod aduersus Svecorum regem, Poloniæ *FRIEDER. AUGUSTUS* gessit, ex illo genere fuisse, idqve Saxonum & Polonorum tantum non omnium suffragio, *WOLFGANGUS JÆGERUS* Tubingersis *Capellarius* in suo commentario Grotiano, p. 521. non obscure docet.

(b) Hisce addi possunt in majorem rei illustrationem, qvæ de umbratili *majestate & libertate*, nec non utriusqve in dies deficiente vigore, inter eundem regem, statuqve imperii, anno 1715. motæ fuerunt controversiae, qvarum in supplementis, illius, ut & sequentis anni mentionem facit *HUBNERUS*.

vanda; nos certe neque facium FRANCISCI
 I. Galliae regis, duras foederum leges, causam
 renovandi belli arripiens, absolute damna-
 re sustinemus; neque JOHANNIS *Vallefii* an-
 tecessoris illius fidei sanctimoniam laudare peni-
 tus, qui, nulla juris an vero injuriæ habita-
 ratione, ad metus exceptionem prætexendam
 pacto cum Britannis inito, ab amicis ut per-
 svaderetur, pati nullo modo voluit.

APHOR. XXIV.

Cum nullius non ævi, in primis moderni in-
 doles & conditio talis sit, ut attentio-
 nem & prospicientiam non lentam sed præsen-
 tem & tempestivam reqvirat, paries cum pro-
 ximus ardet; profecto non injustè rebus illi-
 suis consulere sunt censendi, qui ne alicubi
 ad maturitatem pervenire possint semina multa
 & magna bellorum, de iisdem in herba op-
 primendis serio cogitant, & ne pacem scœne-
 rari queant vicini, ultra æquilibrium non as-
 surgere concedunt potentiam illorum. (a)

APH. XXV.

(a) Siquidem ambitio aliis insultandi per amba-
 ges magis hodie quam olim sele exerce soleat, ita ut
 certo quis scire nequeat quid in amicitia vicini spe-

Principes legitimè imperantes qvicunqve ab immorigera civitate adacti fuerint ad promittendum aut faciendum aliquod, qvod contra pacta conventa directum fuerit, solutioni datarū fidei sūx exceptionem metus non incommodè prætendere possunt. (a) Qvod si verò de privilegiis civium, publica fide sanctis atque receptis, disceptatio inciderit, & precibus armatis horum ad illud, qvod interest, novo pacto confirmandum, eorum, puta principum, qvis adactus fuerit, qvominus illud omne, sine exceptione, præstet, nulla in subditis obseqvii gloria obstat.

C

APH.

randum an metuendum habeat; ne justo plus meticulosi censeantur hodie principes, qui in eadem nave periclitantur, de definito auxilio invicem sibi præstanto in tempore transigere solent, ne ad manus re improvisò adducta, inermes & discincti in arenam protrudantur, inque agone, qvod dicitur, fortunam experiri velle videantur.

(a) Pacta cum rebellibus, si averti possunt, ineunda non esse, ne rebelles videantur jure egisse, more suo **BARCLAYIS** optinè monet, ubi *Cleobulum* ita ad regem Siciliæ loquentem inducit: Fœdera, leges, pacta cum armato rebelli nec audi. Unum

APHOR. XXVI.

LIcet politicorum non pauci sint, qui extorta vicinis Romanorum foedera multa pro non irritis haberi velint, propterea, quod aperte contra gentes a gentibus bella gesta fuerint: tamen cum injustissime eorum plurima suscepta fuere bella, nisi latrocinari, gentium more, licitum censeri velimus, omnes, qui iniquo foedere iis se obstrinxissent, datam primam occasionem e vinculis evadendi, salva pactorum religione seqvutos fuisse, saltem sequi potuisse, nulli dubitamus.

APHOR. XXVII.

QUAMVIS pietati & honestati prorsus non repugnet doctrina eorum, qui pacta non ad reducendam socialitatem, sed saltem unum genus hostilitatis in aliud commutandum directa (a) sunt, cessante hostis obligandi potest,

„sit compositionis remedium, si supplicet, si supercilium ponat, si se & causam suam damnnet. Si ignorces, ea lege ignosce, ut aliquid ipsi in multam decedat.

(a) Intuitu hujusce sive canonis sive distinctionis, dispulso hostili metu, cui opponi possit exceptio injustae exactionis, non incendiarium lytrum, neque

tentia, neque obligare existimant; ne alterius militiam ingeniosam plus satis credulus alter sufflare velle videatur: Horum sive sanctioniam, sive generositatem animi tamen injustitiae damnare nulli possumus, qui quamlibet translationem juris, in hisce quoque pactis, locum habere, & quae per ludibrium (b) identidem hostium minæ extorserint, ad sustinendum quoddam cum virtute belli commercium, servari velint.

APHOR. XXVIII.

Religionem constare actibus internis & externis, res est notis ignotisque cognita. Internos seu conscientiae, cum nemo nisi Deus dirigit;

contributiones alias promissas, hosti ab aliis solvi debere piures existimant, quam ab illis, quorum nimio plus in arcto habitat conscientia.

(b) e. g. Cronobergensem finitimam Daniæ arcem, anno superioris seculi octavo supra quinquagesimum ASTU ereptam hosti, in manus Svecorum pervenisse, notissimo notius est Perivasi se in extremis angustiis constitutos esse, praefecti arcis, super deditiōnē cum WRANGELIO nostrate paciscuntur. Ponamus a rege Daniæ missas fuisse suppetias easdemque, adspicientibus obsecris, non dum exequutioni dato pacto, ad arcem appropinquare gradum. In illo casu a pacto rite inito, jure ne an injuria praefecti resilire potue-

rigat; externos verò ad decentem ordinem conformare solius principis sit, SPIERAM Franciscum & quosvis alios Romanæ ecclesiæ profelytos, cum coactioni male responderent ingenia eorum, abdicationi iterum iterumque factæ exceptionem metus recte prætexuisse dicimus. Pontifici verò ejusque ligæ, cum sub specie necessitatis ille infringere aggredieretur conventionem Passavensem & Augustanam de religiosa inter ordines imperii pace servanda, metus exceptionem jure meritissimo denegatam fuisse existimamus.

APHOR. XXIX.

IN comitiis Arosiensibus quandoqvidem non ad impossibilia h. e. ullius saluti, nedum publicæ rei inimica consilia, sed ea saltem, quæ publico & privato juri civitatis conformatia essent pacta, clericos sui ævi adegit GUSTAVUS:

tu

rint? quæritur: Quatenus per dæditionem non sublata foret hostilitas, sed diversam saltem formam eadem indueret, fidem pacti migrare non potuisse solum, sed & debuisse, multis verosimile videtur. Ipsis, si quam opinionem in contrarium suggestisset conscientia, suam cum infamia famam vitamque prodidissent, &

tus & jurisdictionis Pontificia exceptionem validitati decreti, cui subscripſſent, fruſtra deinde oppoſuerunt. (a)

APHOR. XXX.

Justo dolori, versus mæchum, in flagranti stupro deprehensum, parentum atqve maritorum, qvamvis multum indulgeant mores & instituta gentium: reum tamen redimenda vitæ lytrum qvodcuuqve inter privatos promiserit, sub exceptione metus, revocare posse, credibile est.

sub lictoris manu, non ex longo intervallo, perdidissent. L. Holbergii historiam Danicam ad annum supra citatum confer sis.

(a) Messen, Seond, illustr. Tom, XV. pag. 103.

